




Komuna Vushtri



Këshilli i Bashkësisë Islame
Vushtri

Nr. /2020 Datë: 24.01.2020

Në bazë të nenit 12 paragr. 12.2, shkronja "d" të Ligjit për Vetëqeverisje Lokale nr. 03 L-040 dhe nenit 41, paragr. 41.2, shkronja "d" të Statutit të Komunës së Vushtrrisë, dhe vendimit të Kuvendit Komunal nr. 189/17 datë 29.06.2017 për mbulimin e shpenzimeve të varrimit;

Kryetari i Komunës së Vushtrrisë, z. Xhafer Tahiri dhe
Kryetari i Këshillit të Bashkësisë Islame-Vushtri, z. Shemsi Rrahimi,
lidhin këtë:

MEMORANDUM MIRËKUPtimi PËR KRYERJEN E RITEVE FTERAE TË VARRIMIT SI DHE SHËRBIMEVE DHE CEREMONIVE FETARE PËRCJELLËSE

Neni 1.

Qëllimi

Kuvendi i Komunës së Vushtrrisë në bazë të vendimit nr. 189/17 datë 29.06.2017 mbi mbulimin e shpenzimeve për kryerjen e riteve fetare të varrimit si dhe shërbimet përcjellëse të varrimit, autorizon dhe i jep në përgjegjësi Këshillit të Bashkësisë Islame në Vushtri kryerjen e shërbimeve të varrimit në tërë territorin e komunës së Vushtrrisë.

Neni 2.

Obligimet e palëve:

Obligimet e Këshillit të Bashkësisë Islame në Vushtri:

2.1 Këshilli i Bashkësisë Islame në Vushtri obligohet që të kryejë ritet e varrimit si:

- Kryerjen e ritualeve të varrimit sipas traditave fetare islame.
- Pastrimin e kufomës,
- Qefinin,
- Dërrasat

- Piramidat me mbishkrim dhe
- Transportin e kufomës

Shpenzimet për të gjitha këto rite fetare do të përmbliidhen në një faturë që Bashkësia Islame do të përgatitë për Komunën, duke përfshirë emrin e personit që ka vdekur si dhe shërbimet që i ka kryer Bashkësia Islame (Transporti i kufomës brenda territorit të Vushtrrisë (nga shtëpia deri në xhami dhe prej aty në varreza dhe nga spitali (QKUK) në Prishtinë dhe aeroporti ndërkombëtar 'Adem Jashari'; transporti i punëtorëve dhe mjeteve të punës; dezinfektimi i veturës; Dërrasat me të cilat mbulohet i vdekuri pas lëshimit në varr; Qefini përfshirë këtu edhe dorëzat higjienike, sapunin dhe pambukun; Piramida (dërrasa me mbishkrimin e të dhënave për të vdekurin); Pastrimi i kufomës nga personi i autorizuar; Shërbimi i imamet (kryerja komplet e ceremonisë mortore). Shuma e faturës për ritet fetare të varrimit të cekura si më lartë është 180 € për një (1) person.

Për çdo person do të përgatitet faturë e veçantë.

Këshilli i Bashkësisë Islame në Vushtri obligohet që në fund të çdo muaji ti raportojë Komunës së Vushtrrisë, për rastet e vdekjeve si dhe të bëjë faturimin me kohë të faturave për pagesën e shërbimeve sipas këtij memorandumi; faturën dhe evidencën e personave të vdekur.

Neni 3.

Obligimet e Komunës së Vushtrrisë

1. Komuna e Vushtrrisë obligohet që për ritet dhe shërbimet e varrimit të paguajë shumën e specifikuar në Nenin 2 e dhe e cila i dërgohet Komunës në fillim të çdo muaji për muajin paraprak më së largu deri më datë 05 të muajit vijues.
- 1.1. PAGESA E SHPENZIMEVE TË SHËRBIMEVE DUHET TË BËHET nga data 01 deri 05 të muajit vijues në xhirollogarinë bankare të KBI-VUSHTRRI: **NLB BANKA VUSHTRRI, KBI VUSHTRRI I BASHKESIS ISLAME 1707-0010-112350.02.**

Neni 4.

Këshilli i Bashkësisë Islame në Vushtri obligohet që në fund të çdo muaji t'i raportojë Komunës së Vushtrrisë për rastet e vdekjeve si dhe të bëjë faturimin me kohë të faturave për pagesën e shërbimeve: faturën, evidencën e personave të vdekur dhe certifikatat nga libri amzë i të vdekurve.

Neni 5.

Memorandumi i Mirëkuptimit nuk e mbulon pagesa e anëtarësisë ndaj Bashkësisë Islame.

Neni 6.

Për shërbime shtesë që kërkohen nga qytetarët dhe të cilat nuk janë të parapara në këtë memorandum, qytetarët obligohen t'i bartin individualisht shpenzimet.

Neni 7.

Memorandumi i Mirëkuptimit është i lidhur për afatin kohor një vjeçar me mundësi të vazhdimit dhe hyn në fuqi ditën e nënshkrimit nga palët kontraktuese.

Neni 8.

Memorandumi i Mirëkuptimit mund të shkëputet njëanshëm nga ana e Komunës së Vushtrrisë me njoftim paraprak me shkrim në afat prej 30 (tridhjetë) ditësh në rast se Këshilli i Bashkësisë islame nuk i respekton kriteret e respektuara në këtë memorandum apo në raste specifike dhe të arsyeshme.

Neni 9.

Çdo mosmarrëveshje apo pretendim që rrjedh apo lidhet me këtë memorandum zgjidhet me mirëkuptim mes palëve kontraktuese. Nëse nuk arrihet zgjidhja me mirëkuptim do të hapet kontest pranë Gjykatës kompetente.

Neni 10.

Çdo ndryshim i këtij memorandum miratohet me shkrim nga palët kontraktuese.

Neni 11.

Ky memorandum nënshkruhet në bazë të vendimit të Kuvendit të Komunës nr. 189/17 datë 29.06.2017, për shpenzimet që do të mbulohen për një periudhë të pacaktuar ose deri në një vendim tjetër të Kuvendit të Komunës së Vushtrrisë për këtë çështje.

Ky Memorandum i Mirëkuptimit është përpiluar në katër (2) ekzemplarë dhe do të ju dorëzohen nga 1 kopje origjinal palëve.

Palët-nënshkrimi-vula



Xhafer Tahiri

Kryetar i Komunës së Vushtrrisë

Shemsi Rrahimi

Kryetar i B1-së Vushtri

